

黃梅縣志卷十九

武備志

武備

梅分汛地隸蘄州營塘防城守不多置兵荆揚門戶久歷承平唐宋以來曾興兵事近二十年粵捻踵至於鑠王師盪平醜類洗兵刷馬衽席重登有備無患堡寨風清紅亭翠堠咸慶中興志武備

城守營

舊設把總一員乾隆四年改設千總領馬兵十名馬十匹舊領步兵六十三名後黃州協鎮詳請添設十名共七十三名

黃梅縣志

卷十九

武備

一

分汛

旱汛八塘

停前鎮塘兵五名塘房官廳三間草房二間煙墩三座望樓一座 兩河口塘兵五名塘房官廳三間草房三間煙墩三座望樓一座 五沙坡塘兵五名塘房官廳三間草房三間煙墩三座望樓一座 中路庵塘兵五名塘房官廳三間草房三間煙墩三座望樓一座 孔壠鎮塘兵五名塘房官廳一間住房三間西邊隙地一塊煙墩三座望樓一座 唐司月塘兵五名塘房官廳三間草房三間煙墩三座望樓一座 清江鎮塘兵五名塘房官廳三間草房三間煙墩三座望

樓一座 下新鎮塘兵三名塘房官廳五間煙墩三座望樓一座 以上係蘄州營今防屬城守營千總專轄查下新係康熙四十一年把總常進國請建原設兵十名後抽七名分補各塘停前孔壠二塘係雍正元年督部院 楊題建五沙中路唐司清江兩河五塘係乾隆九年督部院 阿題建水汛六塘

大灣防兵三名 黃泥口防兵三名 余家匯防兵五名  
陸家嘴防兵三名 清江鎮防兵四名 戴五屯防兵三名  
以上屬道士汛營分防安設

水陸各塘乾隆十二年武黃州縣聯銜詳請每塘房一座捐

銀二兩塘船一隻捐銀六錢按季移知各營自行修葺  
明制縣設皂隸六十名民壯一百二十六名吹手三十名以備巡守新開司設弓兵二十九名清江司設弓兵三十名以巡江面停前驛設堡兵三十名以防關隘霜降俱來會操  
國初設皂隸十六名馬快八名民壯五十名霜降閱操順治十五年知縣徐昱募銃手召練勇士以助城守  
城中六門各設堆房民壯看守乾隆十七年知縣薛乘時捐買民基建造卡房

新開清江二鎮乾隆五年奉文設救生船二隻每隻舵工二名水手五名每名一月工食銀五錢赴司領給閩不加增

驛站

縣驛原設馬七十四馬夫三十五名獸醫一名雍正六年奉裁馬十五匹馬夫七名半現設馬五十五匹馬夫二十七名有半獸醫一名

停前驛原設馬八十匹馬夫四十名獸醫一名雍正六年奉裁馬十四匹馬夫五名現設馬七十匹馬夫三十五名獸醫一名

孔壠驛係康熙十四年因舒鄔兩憲題准添置原設馬七十四匹馬夫三十五名獸醫一名雍正六年奉裁馬十四匹馬夫五名現設馬六十四匹馬夫三十名獸醫一名

黃梅縣志

卷十九

武備

三

清江驛現設渡夫渡船船料工食銀渡夫按季支領

急遞鋪在縣前總鋪司一名永充鋪司十名徭編鋪兵五名

柘林鋪在縣東十里永充鋪司一名徭編鋪兵四名

土橋鋪在縣東二十里永充鋪司一名徭編鋪兵四名

三渠鋪在縣東三十里永充鋪司一名徭編鋪兵六名

畢家鋪即停前驛東通太湖楓香驛在縣東四十里永充鋪司一名徭編

鋪兵四名

金鐘鋪在縣西十里永充鋪司一名徭編鋪兵五名

大河鋪在縣西二十里通廣濟雙城驛永充鋪司二名徭編鋪兵四

名

穀塘鋪在縣南十里徭編鋪兵三名

濯港鋪在縣南二十里永充鋪司一名徭編 兵四名

白湖渡鋪在縣南三十五里徭編鋪兵四名

孔家壠鋪在縣南五十里永充鋪司一名徭編鋪兵四名

深溝鋪在縣南六十里徭徧鋪兵三名

塘思穴鋪在縣南七十里徭徧鋪兵三名

老夾鋪在縣南八十里徭編鋪兵三名

清江鋪在縣南九十里通江西德化縣永充鋪司一名徭編鋪兵四

名

車門鋪 陶家鋪 後昌鋪 板橋鋪 以上由停前抵雙

黃梅縣志

卷十九

武備

四

城又設橫山鋪未額設司兵

名驛站共額設排夫一百三十七名雍正六年裁夫二十七

名今現設排夫一百一十名

以上各項工食銀兩俱詳賦役志

歷代兵事

漢英布屯兵于九江城及東鯨城西鯨城

元和志九江故城在縣西南七十里兩鯨城見地理志

世祖時寇恂屯兵寇師洲

洲在縣西南七十里寇恂平河內經此屯兵其上舊志

靈帝光和三年太守陸康平賊

西陽蠻叛與廬江賊黃穰連結攻沒四縣廬江太守陸康討平之後漢書蠻夷傳

獻帝建安四年廬江太守劉勳兵敗於孫賁走置馬亭

袁術死長史楊宏大將張勳等將其眾欲就孫策廬江太守劉勳要擊悉虜之孫賁孫輔破勳於彭澤勳走尋陽步

上置馬亭聞策已克皖乃投西寨今道至流沂武昌縣地築

壘自守而告急於劉表互見劉表傳吳孫討逆傳

晉成帝咸和五年太尉陶侃討郭默斬之

司徒王導以默爲江州刺史驍勇難制侃聞之將兵討默默戰不利入城固守默將宋侯縛默父子出降侃斬之資

黃梅縣志

卷十九

兵事

五

治通鑑

宋文帝元嘉二十九年新蔡蠻人叛

蠻二千餘人破大雷戍畧公私船悉引入湖宋書

宋明帝泰始二年宗藩子瑱叛八月平

臨海郡王子瑱鎮荊州以鮑照爲前軍參軍梅境在其轄內舊志以縣

治爲照宅丙午正月晉安王子勛稱帝於尋陽子瑱應之八月

沈攸之軍至尋陽斬子勛子瑱賜死照爲亂軍所殺宋書

鮑照傳

蒼梧王元徽二年桂陽王休範謀襲晉熙王燮沈攸之討平之

休範典籤新蔡有異志收勇士繕器械朝廷陰爲之備夏  
口居尋陽上游使燮鎮之復恐其過尋陽爲休範劫畱使  
自太子洙徑去休範謀襲之建康二年夏五月率眾二萬  
騎五百發尋陽沈攸之舉兵討之休範畱中兵參軍毛惠  
連等守尋陽惠連等開門降資治通鑑

梁武帝駐師太子洙即今之小池口時帝自襄陽下建業

簡文帝大寶二年王僧辯襲于慶於郭默城走之

秋七月侯景將于慶自鄱陽還豫章侯瑱閉門拒之慶走  
江州據郭默城八月王僧辯前軍襲之慶棄城走通鑑

孝元帝承聖元年魯悉達以平侯景功授爲北江州刺史寄

黃梅縣志

卷十九

兵事

六

治新蔡王鳳生漢江紀程

梁末江東饑亂扶風人魯悉達糾合鄉人以保新蔡力田  
蓄穀民攜老幼歸之悉達分給糧廩全活甚眾使其弟廣  
達將兵從王僧辯討侯景景平以悉達爲北江州刺史資

治通鑑

陳武帝永定三年北齊入寇

五月魯悉達部將梅天養等引齊軍入城胡三省注魯悉達據新蔡城

悉達帥麾下數千人濟江自歸通鑑

唐德宗建中四年曹王皋大破李希烈於黃梅

希烈反皋授伊慎兵與賊大戰破之收黃梅次長平即今元角

鎮之長  
平村 殺賊將韓霜露斬級千餘時賊兵柵蔡山險不可

攻皋聲言西取蘄州引兵艦循厓沂江上賊聞以羸卒保柵悉軍行江北與皋並西去蔡山二百里皋復放舟順流下急攻蔡山拔之賊還救不及遂大敗之進拔蘄州表愼

爲蘄州刺史通鑑 唐書曹王皋傳 伊愼傳

僖宗乾符四年黃巢寇蘄春尋遁去

巢逼蘄春邑人魏英密遣其子元述通高駢及蘄黃招討使劉巨容合兵躡之巢轉掠他郡府志

僖宗乾符五年曾元裕大破王仙芝於黃梅

濮州賊王仙芝屠掠州郡春正月朝廷以曾元裕爲招討

黃梅縣志 卷十九 兵事 七

使二月敗仙芝於黃梅大破之殺五萬餘人追斬仙芝傳

首京師資治通鑑

僖宗中和二年黃巢陷黃梅

三月天鳴無雲而雨後黃巢陷州郡至梅民多流亡舊志

昇元時妖賊諸祐伏誅

蘄州獨木人諸祐以妖術惑眾聚數百人夜行晝息能潛取人財物進士陳起嘗僑居蘄春悉其妖狀後授梅令籍祐爲里長不服起怒會周鄰爲巡撫使師次黃梅起藉其

兵執祐并其妻子斬之馬氏南唐書

宋眞宗時賊犯梅城

寇圍城宋公飛仙顯靈解圍景德中賊又逼城邑令李燧  
巡城見宋公當寇道前有二將異形賊乃退舊志

高宗時戚方屯兵龍坪山舊志

高宗紹興元年張俊岳飛敗李成於黃梅

正月以張俊爲江淮招討使岳飛副之三月大敗李成於  
樓子莊復筠州江州五月俊追成至黃梅又敗之成奔劉  
豫飛招其黨張用降之江淮平了凡綱鑑補

理宗端平三年元侵蘄州嘉熙元年昆布哈率蘄舒光三郡  
人攻黃州孟珙擊之遁是時梅有兵亂僑治中洲後復舊

見宋史孟珙傳及元史地理志湖北通志謂  
中洲卽今縣西十里之路頭山舊志作中州誤

黃梅縣志

卷十九

兵事

八

恭宗德祐元年元兵畧蘄黃諸郡俱下之

伯顏阿朮由鄂州順流東下沿江諸郡縣皆望風降宋史

瀛國公紀

端宗景炎二年淮西勤王之師俱敗

五月淮西義士野人原寨主劉源司空山寨民傅高淮人  
張德興起兵應文天祥復黃州未數月元將襲破司空山  
殺張德興傅高黃州復陷時梅邑知縣程晃保捍有功文

文山集 舊志

元順帝至正十二年李黼大破紅巾賊

正月徐壽輝陷武昌南攻九江舳艫蔽江下江州路總管

李黼檄諸鄉落聚木石於險處遏賊歸路黃梅主簿也孫帖木兒願出擊賊黼與俱出戰大敗賊兵殺獲兩萬餘人

通鑑

至正二十一年陳友諒陷蘄黃諸郡

八月明太祖遣廖永忠取江州友諒奔武昌進拔蘄州興

國黃梅廣濟 初太祖征友諒駐師黃梅意生寺御書第

一山寺額至今猶存 舊志

明嘉靖二十三年甲辰大早有陳文略之亂 見徐志桂侯功德碑記

萬曆十六年戊子大旱饑民道殣相望土賊劉少溪聚眾據

宿松柴家山作亂出沒梅境己丑余孟新劉汝國等相應

黃梅縣志

卷十九

兵事

九

滋事踰三年始剿滅之 參考府縣志及顧景星白茅堂集

崇禎八年暨十年流賊再寇黃梅 詳見忠義石礪傳

崇禎十三年八月江北賊革 革里左金玉 由霍山太湖陷麻

城黃梅 嘯虹筆記表

崇禎十五年冬張獻忠陷黃梅

十二月獻賊屠桐城陷無為州黃梅太湖 明史紀事本末嘯虹筆記表

獻賊陷城知縣施廷賢 浦江人 巷戰被執勸降不屈自刎死

乾隆四十一年 賜諡節愍 見勝朝殉節諸臣錄舊志未載惟職官表有縣丞施廷賢

或署縣而賢覽以字文相似小誤與

國朝順治二年左兵擾黃梅

三月左良玉以誅馬阮爲名自武昌順流東下舳艫相屬  
五百里火兩岸民居所過皆成赤土居人竄匿太白湖中  
闐闐爲墟江千數百里灌莽長堤馬踏成坑塹鴻腦洲記  
五月大兵過蘄黃挽纜除道徵民夫例戶出一人白茅堂集  
閏六月英親王蕩平流寇

英親王阿濟格追流賊李自成至九江等處水陸並進盡  
殲之東華錄

順治五年譚太討平江州亂

江西提督金聲桓叛遣其黨王得仁攻陷九江鄰境皆罹  
其害八月將軍譚太討平之

黃梅縣志

卷十九

兵事

十

順治七年大兵駐段姚俗作窰

大亂初平小醜互作不靖兼有左兵餘黨九月勦賊兵駐

段姚舊志 石鎮國傳

康熙十二年知府于成龍敗賊於段姚

十月江右賊出鄱湖陷湖口數縣知府于成龍令守備黑  
子駐梅之清江鎮伺賊艘至段姚擊敗之白茅堂集

康熙十三年官軍次於城外

吳逆三桂叛進勦兵駐宿於西關外踏傷禾稼民益洵懼

知縣李成林急辦船隻以濟師舊志

康熙二十七年夏逢龍亂邑令聞警繕守備

督營裁兵夏逢龍作亂六月賊舟蔽江下郡邑守土者皆遁知縣歐陽旭與士民設守備晝夜環城巡視官民相倚如家人後進剿兵道出黃梅轉輸供億極力支持舊志咸豐二年壬子夏安徽兵弁赴楚過梅

粵逆洪秀全等擾湖南調江北官軍堵禦道經停前驛頗形騷擾

三年癸丑春粵逆下竄金陵道經梅境

正月初二粵逆自鄂省擄男婦約五十餘萬民船數萬貲財婦孺悉置舟中蔽江而下新舊賊夾兩岸行初十一等日北岸官兵敗於廣濟老鼠峽壽春鎮總兵恩長死之

黃梅縣志

卷十九

兵事

十一

餘兵潰散出梅後山

二月潮勇擾梅

廣東潮勇已經遣散旋乘亂後沿途搶奪二月過梅縣令鮑開運督勇格殺遂遁走

官軍馬隊過梅

閣學

勝保

提督

陳金綬

奉

命率吉林黑龍江等處馬

隊進剿金陵二月初十至十五六等日過梅遇雨宿北邙山及束關河灘自備口糧無一擅入民房者

三年秋踞九江賊擾梅

九月初八賊至清油港隔水紮筏搶渡多溺斃回竄九江

四年春賊掠梅孔壠鎮

二月初十踞九江賊數千蜂集孔壠鎮自辰至酉飽掠而去

賊掠梅城

二月十五水路賊約萬餘自蘄州登岸徑至梅城搜括一晝夜捆載而去

賊陷梅城

三月初一踞皖首逆石達開遣賊目張姓侯姓擁賊數萬陷梅前一日礮刃宿松聲言抗降卽屠城翼早奄至夜出晝還輪流更代詐稱十萬張賊踞梅城侯賊踞孔壠半月

黃梅縣志

卷十九

兵事

十二

餘非刑慘戮大肆擄掠閭邑多遭蹂躪

夏賊掠梅穀

五月二十三等日張賊復由水路沿途擄船泊潘家汊掠常平倉穀及村民倉穀運載而去

冬官兵復梅城

自三月至十月賊踞梅城十一月塔軍門齊布初復湖北

乘勝東下大捷於田家鎮燔賊舟數萬殲賊無數僞檢點陳玉成自潛太上竄僞燕王秦日綱自田鎮下竄僞丞相羅大綱自江西回竄共收餘燼潛入梅城並分賊眾於西南鄉以抗我師經塔軍門敗陳賊於大河鋪敗秦賊於北

邛山敗羅賊於孔壠鎮大小十餘戰皆捷時濯港等鎮附近紳民爲塔公偵導斃賊尤多十一月初四賊焚街道夜遁官兵復梅城

### 賊復踞梅

十二月初旬塔軍門會水師於南岸賊復踞梅時楚督楊需統北岸兵畱廣濟不進副將劉富辰等次大河鋪進攻梅城不克黃梅千總汪國泰陣亡十二日黎明賊掩襲劉軍士卒潰散死數百人黃梅教諭宋贊元與焉

### 五年乙卯賊踞梅

二月賊建僞城於小池口爲九江掎角以阻我水軍周圍約數里許內作賊巢閣邑祠堂廟宇搬折殆盡

## 黃梅縣志

### 卷十九

兵事

十三

### 六年丙辰冬官兵克復梅城

官兵已復武漢水陸並下都將軍興阿孔提督廣順多都

統隆阿王副將國才及參遊鮑超石清吉等收復黃梅前

後紮營於大河鋪魏家涼亭意生寺王家壩陸家嘴等處十一月初九知縣覃瀚元入城

### 賊擾梅大敗

十二月十一夜踞松太賊潛薄梅城官兵設伏以待殲之七年丁巳春賊擾梅官兵大捷

二月初二賊分三路入寇知縣覃瀚元請空城誘賊都帥

然之未及入城分途抄剿陣斬黃衣賊目三名賊黨無數  
三月官兵進攻小池口削平諸賊壘

逆踞小池口僞城復於段窰楓樹均陶家嶺等處深溝高  
壘列營數十座爲犄角勢張甚都將軍指示方畧先遣鮑  
參將超攻小池僞城牽掣賊勢使不敢出初十日遣多都  
統<sup>隆阿</sup>攻段窰十三日遣王副將<sup>國才</sup>攻楓樹均十五日  
多都統自段窰密會孔提督攻陶家嶺掃平賊壘三處共  
斃逆目數十逆匪萬餘自田鎮捷後此爲戰功第一

遊匪踞擾東南北三鄉居民奉令團勇擊散

上遊遣散鄉勇復行嘯聚二月至黃梅東南北三鄉踞食  
黃梅縣志 卷十九 兵事 十四  
民間搜括騷擾三鄉紳士稟奉都多二帥令首倡團勇格  
殺至三月十三四五等日盡由白楊嶺唐公山逃散遊匪  
之害始息

四月踞皖賊竄梅境

初八日賊竄入停前鎮鄉團堵禦凡七晝夜十二日賊退  
二郎河十四日復由車穀嶺竄入張林鎮團勇迎擊於卓  
壁賊小卻十五日仍分股放火包抄兇燄衝霄者四十餘  
處團勇且戰且卻陣亡三人居守男婦殉難數人

賊破古角鎮

十六日賊悉眾攻古角團勇迎擊於雙塘均殲賊頗多內

斃黃衣賊目一名眾賊踰嶺襲其後夾攻勇大潰陣亡及  
居守老弱殉難六百餘人時無寨堡平原居人避亂四山  
無數棲止林谷若鎮市然自是賊眾踞集擄掠搜拷三閱  
月始上竄

六月官兵大捷童司牌及太白湖

賊目陳玉成糾皖北饑民並河南捻逆二十餘萬閒道由  
梅考田什村元角等鎮繞廣濟童司牌造浮橋於港內東  
通白湖西連武穴營壘綿亙望若長虹欲上圖武漢而下  
解九江之圍李臬司續賓自南岸渡江統三營分左右中  
乘賊半渡先施巨礮以斷浮橋使首尾不能相顯然後焚

黃梅縣志

卷十九

兵事

十五

其巢而破其壘左右夾擊賊屍盈港水爲不流其擄民船  
而肆掠於太白湖濱者早爲礮船所轟時蔡山等鎮紳民  
出全家勇助戰共平逆壘十九座殲逆目數十名斃賊以  
萬計時六月二十八日也

秋七月官兵大捷

賊自童司牌破後後路死黨仍畱梅境七月初一多鮑二  
帥率馬步隊攻黃臘村甘家坂王家河五里涼亭等處平  
賊壘四十八座擒斬五千有奇遊擊陳德茂陶忠泰陣亡  
先是諸帥見賊勢充斥臨陣頗難殺盡計空大營及梅城  
使聚而殲旃約於六月二十四夜移營搬運火藥遺火轟

傷總兵王國才殞命是日餘賊果乘閒潛入梅城大掠南鄉一帶居人逃匿湖邊各港汊以千萬計

□上□賊敗餘黨下竄黃梅

□□□□無林翼敗上竄蘄黃之賊於孫家集流水灣等處七

□□□□日賊分三路下竄踞城

□□□□梅城賊遁

□□□巡撫□上游乘勝追剿規復梅城八月初四賊聞風宵

□□

□□□□池□偽城湖北肅清

□□十三四等日官兵水陸移營晝夜環攻小池口偽城

黃梅縣志

卷十九

兵事

十六

賊金甌粉碎至十五日夜遁湖北肅清

九月官兵將入皖籌黃梅善後策

都將軍諭鄉團紮卡渡河橋防後路以壯聲援逾年始撤

八年戊午春官兵移營宿松

二月官兵大營移駐宿松二郎河等處遣副將石清吉仍

畱營卓壁鎮蔡家橋

官兵軍裝糧餉水運設局由湖至獨山鎮辦理陸運設局

由新開胡世柏孔壠濯港縣市至停前鎮辦理每日按派

民夫千計

九年己未冬 欽差坐營駐梅

十月曾大臣國藩建大營十餘座於茶兒鎮山麓丁勇夫役約萬餘耕市不驚

十一年辛酉春逆首率大股援皖擾梅

洪逆遣僞英王陳玉成率賊十餘萬分兩枝上竄一枝竄安襄一枝由廬六英霍閒道入蘄黃欲分我軍之勢而解安慶之圍沿途裹脅新舊賊三十餘萬三月十二賊目魁天福踞城十八日賊目王先明等擾龍坪鎮紳民團練督勇迎擊斃賊目三名賊黨百餘獲僞印數顆器械無數保全甚多

夏六月逆首糾捻匪大股復援皖擾梅

黃梅縣志

卷十九

兵事

十七

洪逆因陳玉成敗衄復遣僞輔王楊輔青糾捻匪十餘萬再援安慶六月二十四五六等日由後山出龍坪考田賊皆裸體被擄者悉黥之取爲慘酷

秋七月官兵克復安慶潰賊回竄復擾梅

七月二十九日官兵克復安慶多都統乘勝追勦餘黨紮馬隊行營於多雲鎮賊知後山築堡不敢經過八月初八九十等日間道擾水鄉劉塘等鎮紳民督勇迎擊賊復竄蘄黃多都統沿途奮擊擒斬無數知縣覃瀚元率勇隨隊入城

同治二年癸亥春流賊擾梅

粵捻二逆窮蹙合股數萬三月竄入梅境沿途多遭蹂躪  
依山立堡者獲免

同治三年八月賊由廣濟擾梅境皖撫彭玉馨率炮船擊走  
之

粵捻二賊由廣濟分擾梅之劉塘太白等鎮居民紛紛下  
竄時皖撫彭玉馨率水營駐湖口縣聞警遣炮船十餘隻  
分布內湖扼白湖橋賊聞風遁

賊擾蘄黃界

秋九月粵捻合股擾蘄州漆園等處與黃梅接壤後山各  
堡砦戒嚴

黃梅縣志

卷十九

兵事

十八

六年丁卯春流賊擾梅

二月初九至十三等日粵捻糾聚數萬自蘄黃下竄日行  
數百里燒燬莊村火光徹夜沿江居民倉卒渡江德化令  
張光裕賃船數百盡濟之散錢米以賑難民其避亂沿湖  
一帶者賊乘淺水徒涉眾船窮蹙各水鎮紳民協力堵禦  
多設擡鎗水中密置掛鈎賊不得近相持數日賊計無所  
出偵知官兵追急遂遁生民幸免於難

七年戊辰春正定鎮總兵婁雲慶駐十三營於十里鋪旋奉  
文遣散

鮑爵府超請假上遊兵勇歸總兵婁雲慶統帶六年冬調

赴淮上道經梅七年正月奉檄就地駐紮立十三營於十里鋪勇役約萬餘人至五月奉文給餉遣散內有會匪臨散滋事知縣多壽闔城防變越數日擾及新開等鎮紳民督勇堵禦旋平

堡砦

紅花砦龍坪砦

俱宋戚方駐兵處舊志

菩提城

唐福山劉砦主築以避兵今為董家城舊志

董公城

董公築於濯港之南以避兵與水舊志

舒城山

明末邑紳黃景恆胡君孚吳之棟等公立堡砦全活數萬人詳見義行傳

國朝同治初粵捻窮蹙大股合為流賊到處蹂躪上憲奏行

黃梅縣志

卷十九

兵事

十九

堅壁清野法諭村莊團練據險建立堡砦與城郭互為犄角

一時賴以保全

萬家堡

係邑紳鄧文濱兄弟私山眾姓借基倡立在龍坪鎮紫雲山之陽內有鄧文鑑專祠

萬全砦

邑紳盧敬等偕眾姓紳耆公立在龍坪鎮扯旗尖後抵蘄州界

益美砦

萬家堡分立在壠坪鎮栗林尖

長安砦

小溪鎮柳楊王程等姓耆公立與紅花砦毗連

福星砦

同上

雲山堡

多雲鎮紳士程淑慎陳志友偕眾姓公立

東山堡

東山鎮紳耆公立

高山砦

邑紳耆吳鉞兄弟等偕眾姓耆公立在考田鎮界

獅頭砦地界李何什等村考紳田耆公鎮立之

雙峰砦邑紳公帥立遠在勳元角鎮等偕眾尖

黃梅縣志

卷十九

兵事

二十